

483. Nusquam plus prospiciendum pulchritudini cicatricis, quam hic: vid. (217.)

## SCIRRHUS.

484. Scirrhus (392.) pro causa habet quidquid succum in glandulis coagulare, inspissare, siccare potest. Eius ergo sedes omnis glandula; sed inprimis, quae liquorem facilius inspissandum habet vel ratione loci stagnare plus cogit. Unde in oculis, naribus, ore, mammis, axillis, inguinibus, pancreate, mesenterio, utero, saepius obtinet.

485. Hinc inflammatio; (392.) lac stagnans, caseosum, durefcens, coagulatum; contusio; (322.) attritus validus; anthrax; bubo; ulcus praemature clausum; materies atrabiliaria sanguinis, bilisve, maxime cessante consueto menstruo, vel haemorrhoidali fluxu; lapidescens, crassa, austera, gypsea materies; vita tristis; victus durus; haereditaria labe, scirrhum creare possunt.

486. Effectus scirrhi nati, occupare aucta mole vicina, ea premere, comprimere; laedere functionem scirrhosi, & vicini; hinc inflammationes, suppurationes, gangraenas, paralyses, atrophias, sphacellos,

los, sterilitatem, partum difficilem, vulvulum, & multa similia mala producere, quae ex natura & officio laesi, & comprimentis, facile deduci queunt.

487. Praesentia scitur, causa, (484. 485.) effectu, (486.) phaenomenis, (392.) loco affecto, (484.) temperie aegri, cognitio.

488. Ex iisdem (487.) eventus praesagitur, considerando durationem mali, & effectus. (486.) Sunt per se innocui, evadunt motu incitato maligni.

489. Qui saepe vitari impos aeternum metum parit.

490. Unde Curaturus notet:

1. Scirrhum, si recens, benignus, loco idoneo situs, nondum perfecte durus, in homine euchymo, tentandum emolliente, resolvente medela; quo fumi acidi, & vis mercurii imprimis spectant.
2. Si non cedit his, si locus, situs, vicina, mobilitas, conditio mali, robur & valetudo aegri permittunt, ocyus ferro integre eximendus est.
3. Si vetus, colore, duritie, scabritie, pruritu, inchoato dolore malignus, loco vel vicinia timendus, adhaerescens, in corpore cacochymo, extirpatu impossibilis; tum omnia vitanda, quae motum augent, ne carcinoma fiat. Ideo emol-

emollientia, suppurantia, rodentia, caustica, dissipantia, mala sunt.

4. Sed sola tum (490. 3.) anodyna, sedantia motum, Saturnina Mercurialia blanda conveniunt.

491. Si simul temperies peccat, haec corrigenda prae caeteris.

## C A N C E R.

492. Scirrhus, (392) aetate, augmento, motu vicinorum, si moveatur ita, ut vasa vicina ad margines scirrhi inflammari incipiant, evadit malignus, & vocatur jam Cancer a similitudine, vel Carcinoma.

493. In quo (492) gradus inflammationis vicinae; acrimoniae putridae excessus in loco affecto; dignitas partis; glandularum nexarum numerus & conditio; temperies totius, diversos malignitatis primae status docet.

494. Si suis continetur pellibus, Occultus, his ulcere ruptis, Manifestus vel Ulcerosus dicetur; posterior primi soboles.

495. Causa est quidquid scirrhum facit, (484. 485.) acre scirrho mistum; mutatio in circulantibus, a menstruis haemorrhoidibus, haemorrhagia qualibet, retentis; sterilitas, coelibatus, effoeta aetas